



Broj: 04-16.5-302-9/22

Sarajevo, 22.2.22.

godine

Na osnovu člana 64. stav (1) tačka b), 65. i 70. stav (1), (3) i (6) Zakona o javnim nabavkama ("Službeni glasnik BiH" broj 39/14), i Zapisnika o pregledu i ocjeni ponuda 04-16.5-302-8/21 od 21.02.2022. godine Direktor Direkcije za ekonomsko planiranje, d o n o s i

O D L U K U **o izboru najpovoljnijeg ponuđača**

Član 1.

Dodjeljuje se ugovor za nabavku avio-karata za potrebe Direkcije za ekonomsko planiranje ponuđaču **VENTURA TRAVEL d.o.o. Travnik.**

Član 2.

Ukupna ponuđena cijena agencijske naknade bez PDV-a iznosi 0,01 KM.

Član 3.

Po okončanju roka za žalbu, Direkcija za ekonomsko planiranje će sa izabranim ponuđačem zaključiti okvirni sporazum, kojim će se regulisati međusobna prava i obaveze vezane za predmetnu nabavku, u skladu sa zahtjevima navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Ova Odluka stupa na snagu danom donošenja objaviće se na web stranici Direkcije za ekonomsko planiranje i dostavlja se svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Odlukom direktora Direkcije za ekonomsko planiranje broj 04-16.5-302-1/21 od 24.11. 2021. godine, pokrenuto je provođenje nabavke avio-karata za potrebe Direkcije za ekonomsko planiranje, putem konkurentskog zahtjeva.

Po objavi Obavještenja o javnoj nabavci broj: 1107-7-2-34-3-12/21 od 14.12.2021. godine, Komisija za javne nabavke Direkcije za ekonomsko planiranje zaprimila je dvije ponude.

Ugovorni organ je zakazao E-aukciju za dan 10.02.2022. godine. Nakon provedene e-aukcije, ponuda ponuđača VENTURA TRAVEL d.o.o. Sarajevo bila je za više od 20% niža od cijene drugorangirane prihvatljive ponude, te je od imenovanog ponuđača zatraženo pojašnjenje, koje je dostavljeno u datom roku, prihvaćeno od strane Komisije za javne nabavke, te je data preporuka direktoru.

Ponuđač je dostavio decidno obrazloženje ponuđene cijene, u kojem je između ostalog naveo da je cijena tačna i ekonomski opravdana, te da je cijena koja je bazirana na usluzi nabavke i cjelokupnih troškova firme, te prihoda koje ponuđač ostvaruje iz oblasti turizma.

Ponuđač dalje navodi da se njegova cijena bazira na dobrom planu prodaje usluga, niskih troškova poslovanja, bez uticaja na kvalitet pružanja usluga, sa zaposlenim koji tokom i izvan radnog vremena pružaju usluge klijentima iz oblasti turizma. Cijena koja je ponuđena u iznosu od 0,01 KM bez PDV-a za procijenjenu količinu karata, dovoljna je da bude ekonomski opravdana, obzirom da i druge agencije nude istu cijenu, da su prinuđeni zbog konkurentnosti na tržištu i referentnosti i sami nuditi uslugu po istoj cijeni.

Ponuđač za klijente ima stabilne firme sa kojima posluje dugi niz godina, te sa tim firmama i institucijama ima unaprijed dogovoreni iznos visine usluga, te na taj način ima stalni i kontrolisani izvor prihoda, te potpisane ugovore sa mnogim institucijama i preduzećima, što uveliko utiče na pozitivno poslovanje, ponuđačeva firma nije velika i troškovi održavanja firme nisu preveliki, firma je likvidna u smislu ispunjavanja svojih finansijskih obaveza prema svojim zaposlenim, poreskoj upravi, povjeriocima.

Nakon zakazane E-aukcije, rang-lista je bila sljedeća:

	Ponuđač	Ukupan iznos bez PDV-a (KM)	Ukupan iznos sa PDV-om (KM)
1.	“VENTURA TRAVEL ” d.o.o. Travnik	0,01	0,0117
2.	“CENTROTRANS - ” d.d. Sarajevo	200,00	234,00

Cijeneći navedeno, direktor Direkcije za ekonomsko planiranje donosi odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5(pet) dana od dana prijema ove Odluke.

Dostaviti:

1. Ponuđačima
2. Web stranica Direkcije za ekonomsko planiranje
3. Sektor za zajedničke i opšte poslove
4. a/a



Maršala Tita 9a, 71000 Sarajevo, BiH, Tel. +387 33 650 842, Fax. +387 33 650 845

info@dep.gov.ba